

Bosna i Hercegovina
Federacija Bosne i Hercegovine
Tuzlanski kanton
OPĆINA LUKAVAC
OPĆINSKO VIJEĆE



Босна и Херцеговина
Федерација Босне и Херцеговине
Тузлански кантон
ОПЋИНА ЛУКАВАЦ
ОПЋИНСКО ВИЈЕЋЕ

Lukavac:27.09.2018.godine

SLUŽBENI GLASNIK OPĆINE LUKAVAC

S A D R Ž A J 8/18

AKTI OPĆINSKOG VIJEĆA

1. Odluka o visini naknade za korištenje zemljišta uz lokalne i nerazvrstane ceste i ulice na području općine Lukavac;
2. Odluka o izmjeni Odluke o bezbjednosti i organizaciji saobraćaja na putevima općine Lukavac;
3. Odluka o uslovima i načinu korištenja sredstava ostvarenih od zakupa poljoprivrednog zemljišta u vlasništvu države;
4. Odluka o izmjenama i dopunama Odluke o odgođenom plaćanju;
5. Odluka o izmjenama i dopunama Odluke o sprovođenju Regulacionog plana Industrijske zone Lukavac sa Programom uređenja;
6. Odluka o davanju saglasnosti „Sisecam Soda Lukavac“ d.o.o. za sanaciju poljoprivrednog zemljišta u vlasništvu države;
7. Odluka o izmjeni Odluke o pokretanju postupka izrade strategije Općine Lukavac;
8. Odluka o dodjeli Počasnih povelja i plaketa
9. Odluka o dodjeli Općinskih priznanja
10. Rješenje o dopuni rješenja o imenovanju članova Komisije za procjenu vrijednosti nepokretnosti i prava

AKTI OPĆINSKOG NAČELNIKA

1. Pravilnik o načinu formiranja i utvrđivanja visine naknade za rad radnih tijela/komisija osnovanih od strane načelnika općine Lukavac
2. Pravilnik o zaštiti podataka Općine Lukavac broj:02-02-2-2614/18 od 05.09.2018. godine
3. Odluka broj :02-02-1-2060/18 od 18.07.2018. godine
4. Odluka broj :02-02-1-2142/18 od 24.07.2018. godine
5. Odluka broj :02-02-1-2143/18 od 24.07.2018. godine
6. Odluka o proglašenju stanja tehničko-tehnološke nesreće na području općine Lukavac uzrokovane akcidentom u Global Ispat koksnoj industriji d.o.o. Lukavac
7. Rješenje o imenovanju Komisije za pregled i ocjenjivanje vanrednih projekata



Broj 01-02-1-1864/18
Lukavac;21.09.2018. godine

Na osnovu člana 13. stav (3) Zakona o pripadnosti javnih prihoda u FBiH („Službene novine FBiH“, broj: 22/06.), člana 8. stav (3) alineja 20. i člana 36. Zakona o principima lokalne samouprave („Službene novine FBiH“, broj: 49/06.) i člana 32. stav (1) tačka 4., Statuta općine Lukavac („Službeni glasnik općine Lukavac“, broj: 5/08. i 1/14.), Općinsko vijeće Lukavac, na 21. redovnoj sjednici održanoj 14.09.2018. godine, donijelo je

ODLUKU
o visini naknade za korištenje zemljišta uz lokalne i nerazvrstane
ceste i ulice na području općine Lukavac

Član 1.

Ovom Odlukom propisuje se obaveza plaćanja naknade za korištenje zemljišta uz lokalne i nerazvrstane ceste i ulice na području općine Lukavac i to naknada za odobrenje za priključak, odnosno, prilaz na cestu i ulicu, za odobrenje za izgradnju objekata i instalacija unutar cestovnog i zaštitnog cestovnog pojasa ceste i ulica, za odobrenje za postavljanje reklama u cestovnom pojasu, za odobrenje za prekomjernu upotrebu cesta i ulica, za odobrenje za korištenje cestovnog pojasa cesta i ulica i za odobrenje za privremenu izmjenu režima saobraćaja na cestama i ulicama.

Član 2.

(1) Visina naknade za korištenje cestovnog zemljišta cesta i ulica obračunava se po m² na godišnjem nivou i iznosi:

1. za benzinske stanice 6,00 KM/m².
2. hotele, motele, ostale ugostiteljske objekte, autoservise i druge poslovne i proizvodne objekte 3,00 KM/m².
3. stambeni objekti ne podliježu plaćanju naknade za korištenje cestovnog zemljišta cesta i ulica.

(2) Visina naknade za korištenje cestovnog zemljišta cesta i ulica obračunava se po m¹ na godišnjem nivou i iznosi:

1. za infrastrukturne vodove (telekomunikacijske i elektronske kablove i slično)..... 0,50 KM/m¹.

(3) Visina naknade za korištenje cestovnog zemljišta cesta i ulica za postavljanje reklamnih panoa obračunava se po m² na godišnjem nivou i iznosi:

1. panoi do 0,5 m² 50,00 KM.
2. panoi od 0,5 m² do 1 m² 70,00 KM.
3. panoi od 1 m² do 2 m² 100,00 KM.
4. panoi od 2 m² do 3 m² 150,00 KM.
5. džambo reklamni pano 12m² 200,00 KM.
6. svijetleći reklamni panoi 250,00 KM.

(4) Visina naknade za prekomjernu upotrebu cesta i ulica utvrđuje se na osnovu Elaborata o procjeni oštećenja koje će prekomjerna upotreba cesta i ulica prouzrokovati.

(5) Elaborat o procjeni oštećenja o prekomjernoj upotrebi cesta i ulica izrađuje stručno lice koje će posebnim aktom imenovati Upravitelj cesta.

(6) Naknada po rješenju iz stava (1) i (2) ovog člana obračunava se od dana donošenja rješenja do 31.12. tekuće godine, a za svaku narednu godinu korištenja cestovnog zemljišta donosi se novo rješenje u kojem je obračunski period od dana 01.01. do 31.12. tekuće godine.

(7) Naknada po rješenju iz stava (3) ovog člana obračunava se za vremenski period odobrenog korištenja cestovnog zemljišta.

Član 3.

(1) Pored naknada koje su korisnici dužni plaćati u skladu sa prethodnim članom ove Odluke, podnosioci zahtjeva plaćaju naknade u postupku donošenja rješenja i to:

1. naknada za izdavanje odobrenja pravnim licima za priključak na ceste i ulice u svrhu građenja iznosi 500,00 KM.
2. naknada za izdavanje odobrenja fizičkim licima za priključak na ceste i ulice u svrhu građenja iznosi 20,00 KM.
3. naknada za davanje saglasnosti za lokaciju poslovnih objekata koji su u funkciji saobraćaja (benzinske pumpe, restorani, hoteli, moteli, hosteli i slično500,00 KM.
4. naknada za davanje saglasnosti za lokaciju ostalih objekata 300,00 KM.
5. naknada za izdavanje odobrenja za prekopavanje asfaltnih cestovnih i uličnih površina (trupa ceste) u svrhu građenja i postavljanja podzemnih instalacija iznosi 100,00 KM/m², uz obavezu izvođača radova da cestovnu i uličnu asfaltnu površinu dovede u prvobitno stanje,
6. naknada za izdavanje odobrenja za prekopavanje u cestovnom pojasu cesta i ulica u svrhu građenja i postavljanja podzemnih instalacija iz..... 10,00 KM/m¹, uz obavezu izvođača radova da cestovnu i uličnu asfaltnu površinu dovede u prvobitno stanje,
7. naknada za izdavanje odobrenja za postavljanje reklamnih panoa u cestovnom pojasu cesta i ulica iznosi50,00 KM.

Član 4.

Visina naknade za prekomjernu upotrebu cesta i ulica obračunava se u skladu sa Pravilnikom o prekomjernoj upotrebi javnih cesta („Službene novine FBiH“, broj: 92/17) i iznosi:

- a) kod obavljanja djelatnosti proizvodnje, odnosno, eksploatacije energetskih mineralnih sirovina, mineralnih sirovina iz kojih se mogu proizvoditi metali i njihovi spojevi, nemetalnih minerala, arhitektonskog građevinskog kamena, svih vrsta soli i solnih voda, mineralnih i geotermalnih voda iz kojih se dobivaju mineralne sirovine, tehničkog građevnog kamena, građevnog pijeska i šljunka i opekarske gline - 2,0% od ukupnog prihoda ostvarenog njihovom prodajom u određenom razdoblju;
- b) kod obavljanja djelatnosti eksploatacije i prerade drva - 0,02 KM/m³ od odvezene količine;
- c) kod obavljanja djelatnosti izgradnje građevina prometa i veza, energetskih, vodnih i industrijskih građevina, građevina za postupanje s otpadom, te građevina za posebne namjene - 0,04 KM/m³ od ugrađene količine materijala;
- d) kod preusmjeravanja prometa zbog zatvaranja cesta i ulica do 10 dana, na druge ceste i ulice - 15,00 KM/dan (osim u slučajevima kada se radi o izvođenju radova čiji je investitor općina Lukavac, kod održavanja vjerskih i drugih prazničnih manifestacija i manifestacija humanitarnog karaktera);
- e) kod preusmjeravanja prometa zbog zatvaranja cesta i ulica preko 10 dana, na druge ceste i ulice - 30,00 KM/dan (osim u slučajevima kada se radi o izvođenju radova čiji je investitor općina Lukavac, kod održavanja vjerskih i drugih prazničnih manifestacija i manifestacija humanitarnog karaktera).

Član 5.

Za utvrđivanje naknada iz članova 2 i 3 ove Odluke, općinski Načelnik, rješenjem, imenuje stalnu komisiju, a visina naknade za rad biti utvrđena posebnom odlukom.

Član 6.

Ova Odluka stupa na snagu danom objavljivanja u „Službenom glasniku općine Lukavac“.

PREDSJEDAVAJUĆI
OPĆINSKOG VIJEĆA LUKAVAC

Mehmed Suljić, dipl.ing.mašinstva s.r.



Broj: 01-02-1- 2051/18
Lukavac: 21.09.2018. godine

Na osnovu člana 32. Statuta općine Lukavac („Službeni glasnik općine Lukavac“, broj 5/08. i 1/14.) i člana 4. Odluke o bezbjednosti i organizaciji saobraćaja na putevima općine Lukavac („Službeni glasnik općine Lukavac“, broj 5/02. i 3/06.), Općinsko vijeće Lukavac na 21.redovnoj sjednici održanoj 14.09.2018. godine, donijelo je

ODLUKA
o izmjeni Odluke o bezbjednosti i organizaciji saobraćaja
na putevima općine Lukavac

Član 1.

U Odluci o bezbjednosti i organizaciji saobraćaja na putevima općine Lukavac („Službeni glasnik općine Lukavac“, broj 5/03. i 3/06.) u članu 13. mijenja se stav (4) i glasi:

„Zabranjuje se saobraćaj motornih vozila u ulici Branilaca Bosne od autobuske stanice do raskrsnice sa ulicom Redžepa efendije Muminhodžića u periodu 15.06. – 01.09. u vremenu 18,00 – 23,00 sati“.

Član 2.

Ova Odluka stupa na snagu danom objavljivanja u „Službenom glasniku općine Lukavac“.

PREDSJEDAVAJUĆI
OPĆINSKOG VIJEĆA

Mehmed Suljić dipl.ing. maš.s.r.



Broj:01-02-1-1921/18
Lukavac, 21.09.2018. godine

Na osnovu člana 105. Statuta općine Lukavac – Prečišćeni tekst- (“Službeni glasnik općine Lukavac”, broj:5/08 i 1/14), člana 4. i člana 11. Pravilnika o uslovima i načinu korištenja sredstava ostvarenih od zamjene, zakupa i koncesije poljoprivrednog zemljišta u vlasništvu države („Službene novine Federacije BiH“, broj: 78/09), Općinsko vijeće Lukavac, na 21. redovnoj sjednici održanoj dana 14.09.2018.godine, donosi

O D L U K U

o uslovima i načinu korištenja sredstava ostvarenih od zakupa poljoprivrednog zemljišta u vlasništvu države

Član 1.

Ovom Odlukom utvrđuju se uslovi i način korištenja sredstava ostvarenih od zakupa poljoprivrednog zemljišta u vlasništvu države.

Član 2.

Sredstva se koriste za sufinansiranje mjera uređenja poljoprivrednog zemljišta namijenjenog primarnoj poljoprivrednoj proizvodnji, odnosno za sufinansiranje projekta uređenja zemljišta procesom:

- melioracije (izgradnja sistema za navodnjavanje);
- okrupnjavanja zemljišnog posjeda kupovinom ili zamjenom poljoprivrednog zemljišta.

Za uređenje zemljišta procesom melioracije (izgradnja sistema za navodnjavanje) čija vrijednost ne prelazi 500,00 KM (slovima:petstotina konvertibilnih maraka) u postupku predavanja dokumentacije neće biti potreban Projekat.

Član 3.

Pravo na korištenje sredstava ostvarenih od zakupa poljoprivrednog zemljišta u vlasništvu države imaju pravna i fizička lica, koji ispunjavaju slijedeće uslove:

- a) da su upisani u Registar poljoprivrednih gazdinstava ili Registar klijenata koji vodi Služba za opću upravu, privredu i društvene djelatnosti Općine Lukavac;
- b) da se bave poljoprivrednom djelatnošću te da imaju sjedište, odnosno prebivalište na području općine Lukavac;
- c) da je vlasnik poljoprivrednog zemljišta ili da imaju ovjeren ugovor o korištenju poljoprivrednog zemljišta koje se kandiduje za uređenje procesom melioracije;
- d) za kandidovanje okrupnjavanja zemljišnog posjeda da imaju Ugovore o kupovini ili zamjeni poljoprivrednog zemljišta ovjerenog od strane notara i dokaz da su u postupku rješavanje imovinsko-pravnih odnosa kod nadležnih organa ili da su isti završili;
- e) površina koja se kandidira za okrupnjavanja zemljišnog posjeda kupljenog ili zamjenjenog poljoprivrednog zemljišta od 2017.godine do danas je:
 - fizičku osobu najmanje 0,5 ha poljoprivrednog zemljišta u jednoj cjelini na području općine Lukavac;
 - za pravnu osobu najmanje 1,0 ha poljoprivrednog zemljišta u jednoj cjelini na području općine Lukavac;

Član 4.

Načelnik općine imenovat će stručnu komisiju shodno odredbama Pravilnika o uslovima i načinu korištenja sredstava ostvarenih od zamjene, zakupa i koncesije poljoprivrednog zemljišta u vlasništvu države koja će vrednovati dostavljene prijave (zahtjeve), a u skladu sa utvrđenim kriterijima koji će biti naknadno donešeni i objavljeni na Web stranici Općine Lukavac.

Član 5.

Sredstva uplaćena od strane Ministarstva finansija Tuzlanskog kantona u budžet Općine Lukavac za 2017.godinu, u okviru ekonomskog koda 721121, u iznosu od 20.873,50 KM raspoređuju se licima iz člana 3. ove Odluke.

Iznos sredstava utvrđuje se na osnovu podnesenih zahtjeva i projekata nadležnoj Službi, odnosno nakon vrednovanja istih od strane Komisije, u visini do 100% od sredstava uložениh u projekte uređenja zemljišta navedenih u članu 2. Ove Odluke.

Član 6.

Za realizaciju ove Odluke zadužuje se Služba za opću upravu, privredu i društvene djelatnosti i Služba za budžet i finansije.

Član 7.

Ova Odluka stupa na snagu narednog dana od dana objavljivanja u "Službenom glasniku općine Lukavac".

PREDSJEDAVAJUĆI
OPĆINSKOG VIJEĆA

Mehmed Suljić, dipl.ing.maš.s.r.



Broj: 01-02-1- 2515/18
Lukavac, 21.09.2018. godine

Na osnovu člana 13. Zakona o principima lokalne samouprave („Službene novine FBiH“, broj 49/06 i 51/09), člana 63. stav 1. Zakona o građevinskom zemljištu Hercegovine ("Službene novine FBiH", broj: 25/03 i 67/05), a u vezi sa članom 32. stav 1. tačka 4. Statuta Općine Lukavac („Službeni glasnik Općine Lukavac) broj: 5/08 i 1/14), Općinsko vijeće općine Lukavac, na 21. sjednici održanoj dana 14.09.2018. godine, donijelo je

O D L U K U
o izmjenama i dopunama Odluke o odgođenom plaćanju

Član 1.

U Odluci o odgođenom plaćanju („Službeni glasnik Općine Lukavac“, broj: 1/06 i 5/18), u članu 3. briše se stav 2.

Član 2.

Član 4. Odluke mijenja se i glasi:

„Investitor je obavezan da izvrši uplatu cjelokupnog iznosa naknade na ime rente prije izdavanja rješenja o odobrenju za građenje.

Izuzetno, nadležna Općinska služba i investitor mogu, uz prethodno odobrenje Općinskog načelnika, Sporazumom o načinu plaćanja obaveza po osnovu rente za pogodnost gradskog građevinskog zemljišta regulisati plaćanje iznosa na ime rente u ratama i to:

Za iznos naknade na ime rente do 10.000,00 KM, odgođeno plaćanje se može odobriti na period do 12 (dvanaest) mjeseci, računajući od dana pravosnažnosti rješenja o određivanju naknade na ime rente;

Za iznos naknade na ime rente od 10.000,00 KM do 30.000,00 KM, odgođeno plaćanje se može odobriti na period do 24 (dvadesetčetiri) mjeseca, računajući od dana pravosnažnosti rješenja o određivanju naknade na ime rente;

Za iznos naknade na ime rente preko 30.000,00 KM odgođeno plaćanje se može odobriti na period do 36 mjeseci (tridesetšest), računajući od dana pravosnažnosti rješenja o određivanju naknade na ime rente“.

Sporazum o odgođenom plaćanju na osnovu odobrenja Općinskog načelnika potpisuje rukovodilac Službe za urbanizam, prostorno planiranje i investicije, koji je odogovran da prati realizaciju istog, uz obavezu Službe za budžet i finansije da po zaprimanju sporazuma, redovno i blagovremeno pismenim putem o realizaciji istog mjesečno izvještava Službu za urbanizam, prostorno planiranje i investicije.

Član 3.

Iza člana 5. Odluke, dodaje se novi član 6. koji glasi:

„Uplatom prve rate po Sporazumu o načinu plaćanja obaveza po osnovu rente za pogodnost gradskog građevinskog zemljišta, podnosilac stiče pravo na dobijanje građevinske dozvole, s

tim što se upotrebna dozvola ne može izdati prije konačne isplate cjelokupnog duga, navedenog u rješenju o određivanju naknade na ime rente i Sporazumu o načinu plaćanja obaveza po osnovu rente za pogodnost gradskog građevinskog zemljišta i to za objekat za koji se izdaje upotrebna dozvola“.

Dosadašnji član 6. Odluke, postaje član 7.

Član 4.

Ova Odluka stupa na snagu danom objavljivanja iste u „Službenom glasniku Opine Lukavac“

PREDSJEDAVAJUĆI
OPĆINSKOG VIJEĆA
Mehmed Suljić dipl.ing. maš.s.r.



Broj:01-02-1-2514/18
Lukavac, 21.09.2018. godine

Na osnovu člana 41. stav 1., a u vezi sa članom 57. stav 2. Zakona o prostornom uređenju i građenju ("Službene novine TK-a", broj 6/11, 4/13 15/13, 3/15, 2/16 i 4/17) i članom 32. stav 1. tačka 3. Statuta Općine Lukavac („Službeni glasnik Općine Lukavac) broj: 5/08 i 1/14), Općinsko vijeće općine Lukavac, na 21. sjednici održanoj dana 14.09 2018. godine, donijelo je

O D L U K U
o izmjenama i dopunama Odluke o sprovođenju Regulacionog plana
Industrijske zone Lukavac sa Programom uređenja

Član 1.

U Odluci o sprovođenju Regulacionog plana Industrijske zone Lukavac sa Programom uređenja, mijenja se član 52. i glasi:

„Troškovi uređenja građevinskog zemljišta zone za posebne namjene iznose 26,00 KM/1m² bruto korisne površine građevine-objekta koji će se graditi.

Izuzetno od stava 1. ovog člana za gradnju poslovnih objekata lociranih sa jedne i druge strane novoizgrađene saobraćajnice Petlja-Osnovna škola Bistarac u pojasu od 200 metara sa desne strane prema Tuzli i lijeve strane od kruga Fabrike cementa do pruge Tuzla-Doboj, troškovi uređenja građevinskog zemljišta zone za posebne namjene iznose 5,00 KM/1m² bruto korisne površine građevine-objekta koji će se graditi“.

Član 2.

Član 53. Odluke mijenja se i glasi:

„Troškove uređenja građevinskog zemljišta zone za posebne namjene iz člana 52. Odluke, snosi investitor i isti se utvrđuju u postupku izdavanja odobrenja za građenje.

Investitor je obavezan da izvrši uplatu troškova uređenja građevinskog zemljišta zone za posebne namjene prije izdavanja rješenja o odobrenju za građenje.

Izuzetno, nadležna općinska služba i investitor mogu ugovorom regulisati plaćanje iznosa na ime troškova uređenja građevinskog zemljišta zone za posebne namjene u ratama, ali ne duže od tri godine od dana izdavanja odobrenja za građenje. Uplatom prve rate investitor stiče pravo na dobijanje građevinske dozvole, s tim što se upotrebna dozvola ne može izdati prije konačne isplate cjelokupnog duga navedenog u rješenju o određivanju naknade na ime uređenja i Ugovoru o odgođenom plaćanju obaveza po osnovu naknade na ime programa uređenja građevinskog zemljišta i to za objekat za koji se izdaje upotrebna dozvola“.

Član 3.

Briše se član 62. Odluke, te dosadašnji član 63. postaje član 62.

Član 4.

Ova Odluka stupa na snagu prvog dana od dana objavljivanja iste u „Službenom glasniku Općine Lukavac“.

PREDSJEDAVAJUĆI
OPĆINSKOG VIJEĆA

Mehmed Suljić, dipl.ing.maš.s.r.



Broj: 01-02-1- 2420/18
Lukavac: 21.09.2018. godine

Na osnovu člana 105. Statuta općine Lukavac - Prečišćeni tekst- ("Službeni glasnik općine Lukavac". broj:5/08 i 1/14), člana 8. tačke (8) i (9) i člana 14. Zakona o poljoprivrednom zemljištu („Službene novine Federacije Bosne i Hercegovine", broj:52/09), Općinsko vijeće Lukavac, na 21. redovnoj sjednici održanoj dana 14.09.2018.godine, donijelo je

O D L U K U

o davanju saglasnosti „Sisecam Soda" Lukavac d.o.o.
za sanaciju poljoprivrednog zemljišta u vlasništvu države

Član 1

Ovom Odlukom daje se saglasnost „Sisecam Soda Lukavac" d.o.o. za sanaciju poljoprivrednog zemljišta u vlasništvu države.

Član 2.

Zemljište iz prethodnog člana označeno je kao dio k.č broj:4270/1, 4276, 4270/7, 4275, 4263, 4274 i 4271, K.O. Lukavac, u ukupnoj površini od 12,5 hektara.

Na navedenom poljoprivrednom zemljištu će biti urađena sanaciju štete nastala nakon akcidenta, odnosno nakon izlivanja „Bijelog mora" iz taložnice „Sisecam Soda Lukavac" d.o.o.

Član 3.

Ova Odluka stupa na snagu narednog dana od dana objavljivanja u "Službenom glasniku općine Lukavac".

PREDSJEDAVAJUĆI
OPĆINSKOG VIJEĆA

Mehmed Suljić dipl.ing. maš.s.r.



Broj: 01-02-1-2683 /18
Lukavac: 21.09.2018. godine

Na osnovu člana 15. Zakona o principima lokalne samouprave u Federaciji Bosne i Hercegovine („Službene novine F BiH“ broj: 49/06 i 51/09), člana 15. i 20. Zakona o razvojnom planiranju i upravljanju razvojem u Federaciji Bosne i Hercegovine („Službene novine F BiH“, broj: 32/17), člana 41. i 32. Statuta općine Lukavac („Službeni glasnik općine Lukavac“, broj: 5/08 i 1/14), a vezano za potpisani Protokol o saradnji između Općine Lukavac i Projekta integriranog lokalnog razvoja (ILDP) i Odluke o pokretanju postupka izrade Strategije razvoja Općine Lukavac broj: 01-02-1-1882/17 od 28.09.2017. godine, Općinsko Vijeće Lukavac na 21. redovnoj sjednici održanoj dana, 14.09.2018.donijela je :

ODLUKU
o izmjeni Odluke o pokretanju postupka izrade
Strategije razvoja Općine Lukavac

Član1.

U Odluci o pokretanju postupka izrade Strategije razvoja Općine Lukavac broj: 01-02-1-1882/17 od 28.09.2017. godine u članu 1. riječi i brojevi „za period 2018 – 2027 godina“ zamjenjuje se riječju i brojevima „za period 2019 – 2027 godina“.

Član 2.

Ova Odluka stupa na snagu danom objavljivanja u „Službenom glasniku Općine Lukavac“.

PREDSJEDAVALAČI
OPĆINSKOG VIJEĆA LUKAVAC

Mehmed Suljić, dipl.ing.mašinstva s.r.



Broj: 01-02-1-2499 /18
Lukavac, 17.09.2018. godine

Na osnovu člana 32. i člana 105. Statuta općine Lukavac –prečišćeni tekst („Sl. glasnik općine Lukavac“ broj 5/08), člana 3. i člana 8. stav 2 Odluke o općinskim priznanjima („Službeni glasnik općine Lukavac“, broj: 6/99 i 7/04) Općinsko vijeće Lukavac na 21. redovnoj sjednici održanoj dana 14.09.2018. godine, donijelo je

O D L U K U
o dodjeli Počasnih Povelja i Plaketa

Član 1.

Ovom Odlukom utvrđuje se broj “Počasnih Povelja” i “Počasnih Plaketa”, koje će se dodjeliti u 2018. godini.

Član 2.

Za izuzetan doprinos u odbrani, razvoju privrednih kapaciteta, za vanredno dobre rezultate u oblasti nauke, kulture i sporta kao i za druge vidove doprinosa u 2018. godini, dodijelit će se jedna “Počasna Povelja” i dvije “Počasne Plakete”, zaslužnim pravnim i fizičkim licima.

Član 3.

Ova Odluka stupa na snagu danom donošenja, a objavit će se u "Službenom glasniku Općine Lukavac".

PREDSJEDAVAJUĆI
OPĆINSKOG VIJEĆA

Suljić Mehmed dipl.ing.maš.s.r.



Broj: 01-02-1- 2498/18
Lukavac, 17.09.2018. godine

Na osnovu člana 32. i člana 105. Statuta općine Lukavac – prečišćeni tekst („Sl. glasnik općine Lukavac“ broj 5/08 i 1/14), člana 8. i 12. Odluke o općinskim priznanjima (Službeni glasnik općine Lukavac broj 6/99 i 7/04) Općinsko vijeće Lukavac na 21. redovnoj sjednici održanoj dana 14.09.2018. godine, donijelo je

O D L U K U **o dodjeli općinskih priznanja**

Član 1.

U povodu obilježavanja 18. septembra Dana općine Lukavac, za izuzetan doprinos u odbrani, razvoju privrednih kapaciteta, za vanredno dobre rezultate u oblasti nauke, kulture i sporta kao i za druge vidove doprinosa dodjeljuje se:

POVELJA OPĆINE LUKAVAC

1. Prof. Nihada Fajić, posthumno - za vanredno dobre rezultate u oblasti kulture, te izuzetan doprinos razvoju čitalačke svijesti, produciranju, promidžbi i čuvanju književne i arhivske građe, likovne kulture i fotografije.

PLAKETA OPĆINE LUKAVAC

Za pravna lica:

1. “Eko – ronilačka grupa invalida” – za doprinos razvoju lokalne samouprave i unapređenju uslova života u mjesnim zajednicama i izuzetno humane akcije i pomoći

Za fizička lica:

1. Dr.sc. Zehrudin Osmanović - za doprinos inovacijama i izumu sa trajnom upotrebnom vrijednosti i tehnološkim unapređenjima u oblasti ekologije i očuvanja čovjekove okoline
2. Enis Tokić – za izuzetan doprinos u odbrani i oslobađanju zemlje i vanredno dobre rezultate u oblasti sporta
3. Ranko Đaković - za doprinos razvoju mjesnih zajednica
4. Mensur Đozić - za maksimalno dobre rezultate u oblasti sporta

POČASNA POVELJA

1. Dalal Odobašić – za maksimalno dobre rezultate u oblasti sporta

POČASNA PLAKETA

1. “Rotary Club München – Solln” – za doprinos razvoju lokalne samouprave i unapređenju uslova života u mjesnim zajednicama
2. Švicarski crveni križ Tuzla – za doprinos razvoju lokalne samouprave i unapređenju uslova života u mjesnim zajednicama

Dodjela priznanja licima iz člana 1. ove Odluke izvršit će se u povodu svečanog obilježavanja Dana općine Lukavac.

PREDSJEDAVAJUĆI
OPĆINSKOG VIJEĆA
Mehmed Suljić dipl.ing. maš. s.r.



Broj:01-05-874-1/18
Lukavac, 19.09.2018.

Na osnovu člana 10. Stav 3. Zakona o porezu na promet nepokretnosti i prava ("Sl. novine TK", broj 11/01, 13/01, 13/03, 3/13 I 12/16), člana 105. Statuta općine Lukavac – prečišćeni tekst („Službeni glasnik općine Lukavac“ broj 5/08) Općinsko vijeće Lukavac na 21. redovnoj sjednici održanoj dana 14.09.2018.godine, donijelo je

R J E Š E N J E

o dopuni Rješenja o imenovanju članova Komisije za procjenu vrijednosti nepokretnosti i prava

I

U rješenju o imenovanju članova Komisije za procjenu vrijednosti nepokretnosti i prava broj:01-05-874/18 od 12.04.2018. godine ("Službeni glasnik Općine Lukavac" broj 5/18) u članu "I" dodaju se tačke 19., 20., 21. koje glase :

- 19. Eldar Mujagić
- 20. Belmir Hrvatović
- 21. Seudin Salkić

II

U istom Rješenju u tački "II" dodaju se stav 3 i 4 koji glase:

“Za sekretara Komisije imenuje se Zlatan Žigić.”

“Sekretar Komisije ima pravo na naknadu koja će biti regulisana Odlukom kojom je regulisano pitanje naknade za članove Komisije.”

III

Ovo rješenje proizvodi pravno dejstvo danom donošenja, a objavit će se u "Službenom glasniku općine Lukavac".

PREDSJEDAVAJUĆI
OPĆINSKOG VIJEĆA
Mehmed Suljić, dipl.ing.mašinstva s.r.



Na osnovu člana 15. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“ broj: 49/06 i 51/09), člana 41. Zakona o platama i naknadama u organima vlasti Federacije Bosne i Hercegovine („Službene novine Federacije BiH“, broj: 45/10 i /111/12) i člana 41. Statuta općine Lukavac („Službeni glasnik općine Lukavac“, broj: 5/08 i 1/14), Općinski Načelnik donosi :

P R A V I L N I K

o načinu formiranja i utvrđivanju visine naknade za rad radnih tijela/komisija osnovanih od strane Načelnika Općine Lukavac

I - OSNOVNE ODREDBE

Član 1. (Predmet)

Ovim Pravilnikom uređuje se način osnivanja radnih tijela/komisija u organu uprave Općine Lukavac, broj članova i njihove dužnosti, pravo na naknadu i visina naknade za rad u radnim tijelima/komisijama uposlenika organa uprave općine Lukavac i drugih članova tijela/komisije.

Radna tijela/komisije u smislu ovog Pravilnika su stalna i povremena tijela koje osniva rukovodilac organa državne službe - Načelnik općine Lukavac (u daljem tekstu: Općinski načelnik), po iskazanoj potrebi ili po posebnim propisima.

Za učešće u radu radnih tijela/komisija, članovima radnih tijela pripada naknada samo pod uslovom da su zadatke, za koje su zaduženi aktom o osnivanju radnog tijela, obavljali izvan redovnog radnog vremena

Član 2. (Radna tijela/komisije)

II - FORMIRANJE RADNIH TIJELA/KOMISIJA

Radna tijela/komisije osnivaju se za:

- provođenje javnih i internih konkursa i oglasa za prijem državnih službenika i namještenika,
- provođenje disciplinskog postupka,
- izradu radnih verzija podzakonskih akata (pravilnika, odluka, instrukcija i sl.),
- prikupljanje odgovarajućih podataka i izrada analiza,
- provođenje redovnog godišnjeg popisa stalnih sredstava, obaveza i potraživanja,
- davanje informacija i mišljenja,
- vršenje drugih poslova i zadataka utvrđenih aktom o formiranju radnog tijela/komisije.

Ukoliko je za poslove i zadatke potrebno produženje vremena, odnosno produženje roka za obavljanje poslova radnog tijela/komisije, isti se mogu produžiti isključivo dodatnom odlukom Općinskog načelnika uz obrazloženje predsjednika komisije.



Prilikom formiranja radnih tijela potrebno je voditi računa o sljedećem:

- zabrani diskriminacije po bilo kojem osnovu,
- proporcionalnoj zastupljenosti svih uposlenika,
- broju članova,
- sukobu interesa,
- jednakosti u primjeni propisa za sve uposlenike, koji regulišu ovu oblast
- stručnoj spremi i vrsti poslova koje uposlenik/vanjski saradnik obavlja.

Član 3.

(Prijedlog za osnivanje radnog tijela/komisije)

Pomoćnici Općinskog načelnika dostavljaju Općinskom načelniku prijedloge za imenovanje članova radnih tijela/komisija kao i zadatke i poslove koje radno tijelo/komisija treba da obavi.

Broj članova radnih tijela/komisija ne može biti manji od 3 (tri) člana niti veći od 5 (pet) članova, osim u slučajevima kada Općinski načelnik smatra da su poslovi i zadatci takve prirode da zahtijevaju veći broj članova.

Sastav i nadležnost radnih tijela/komisije određuje se rješenjem Općinskog Načelnika.

Član 4.

(Akt o osnivanju radnih tijela/komisija)

Rješenje o osnivanju radnih tijela/komisije obavezno sadrži: ime i prezime predsjednika i članova radnih tijela/komisija, po potrebi ime i prezime lica koje će obavljati administrativno-tehničke poslove za potrebe radnog tijela/komisije, zadaci radnog tijela/komisije, rok/rokovu u kojem radno tijelo/komisija treba obaviti zadatak, obavezu izrade izvještaja o radu i podnošenje istog Općinskom Načelniku, te odredbu o ostvarivanju/neostvarivanju prava na naknadu.

Član 5.

(Sastav radnih tijela/Komisija)

Članovi radnih tijela/komisije mogu biti državni službenici i namještenici organa uprave Općine Lukavac koji posjeduju odgovarajuće stručno znanje iz oblasti za koje se formira radno tijelo/komisija, savjetnici Općinskog načelnika, kao i druga lica koja nisu uposlenici organa uprave općine Lukavac - kada je posebnim zakonskim propisima utvrđena obaveza imenovanja istih.

Kada je za izvršenje poslova i zadataka radnog tijela/komisije potrebno specifično tehničko ili drugo specijalizirano znanje koje inače nije dostupno unutar općinskih službi ili kada to zahtijevaju specifične potrebe posla koji obavlja radno tijelo/komisija, za članove radnih tijela/komisija mogu biti izuzetno imenovana i lica koji nisu uposleni u općinskim službama.

III – IZVJEŠTAJ O RADU

Član 6.

(Izvještaj o radu)

Izvještaj o radu radnog tijela/komisije, u zavisnosti od radnog zadatka radi kojeg je radno tijelo/komisija osnovano, obavezno sadrži sljedeće elemente:

- informaciju, analizu, izvještaj, mišljenje ili preporuke radi kojeg je radno tijelo/komisija osnovana
- podatke o broju i vremenu održanih sastanaka radnih tijela/komisije uključujući podatke o prisustvu članova radnog tijela sastancima, lica koja obavljaju stručne poslove kao i administrativne poslove, ukoliko postoji potreba.

Uz Izvještaj o radu radnih tijela/komisije potrebno je priložiti i zapisnike sa održanih sjednica radnog tijela.

Član 7.

Izvještaje o radu iz člana 6. ovog Pravilnika, Općinskom načelniku podnose predsjednici radnih tijela/komisija po okončanju zadatka radi kojeg je radno tijelo/komisija formirano.

Stalna radna tijela/komisije dužna su svakog mjeseca, do petog u mjesecu, podnijeti Izvještaj o radu za protekli mjesec, a povremena radna tijela/komisije nakon završenih poslova i zadataka određenih u rješenju o formiranju.

Smatra se da su poslovi radnih tijela/komisija izvršeni nakon prihvaćanja Izvještaja od strane Općinskog Načelnika.

IV - NAKNADE RADNIH TIJELA/KOMISIJA

Član 8.

(Naknade i pravo na nakandu)

Za sudjelovanje u radu stalnih i povremenih radnih tijela/komisija, u skladu sa članom 9. ovog Pravilnika, članovima istih pripada naknada u rasponu od 30,00 KM do maksimalnih 200,00 KM.

Maksimalna mjesečna novčana naknada za rad u svim radnim tijelima/komisijama ne može biti veća od visine jedne i pol (1,5) osnovice za obračun plaće.

Stručnom odnosno tehničkom licu iz člana 5. stav 2. ovog Pravilnika pripada naknada u visini od 100 do 500,00 KM.

Član 9.

O pravu na naknadu za rad u radnim tijelima/komisijama odlučuje se na osnovu pismenog zahtjeva predsjednika radnog tijela/komisije, upućenog Općinskom načelniku uz dostavljanje izvještaja iz člana 6. ovog Pravilnika.

Prilikom odlučivanja o pravu na naknadu uzet će se u obzir vrsta, složenost i obim obavljenih poslova, stepen stručnosti i odgovornosti članova komisije/radnih tijela, vremenski period obavljanja zadatih poslova, rad van radnog vremena i rad u dane vikenda, ukoliko drugim aktima koji regulišu ovu oblast nije drugačije određeno.

Stručna Služba Općinskog načelnika, uz saglasnost Općinskog načelnika, donosi rješenje kojim utvrđuje visinu naknade za svakog člana Komisije, a protiv kojeg se može podnijeti prigovor Općinskom načelniku u roku od 8 (osam) dana od dana prijema rješenja.

Naknade za isplatu članovima radnih tijela/komisija isplaćuju se iz sredstava Budžeta općine Lukavac u skladu sa finansijskim mogućnostima Općine Lukavac.

V – PRELAZNE I ZAVRŠNE ODREDBE

Član 10.

(Primjena i praćenje provođenja Pravilnika)

Općinski Načelnik zadužit će Stručnu Službu Općinskog Načelnika, za primjenu i praćenje odredbi ovog Pravilnika i vođenja evidencije o svim formiranim radnim tijelima/komisijama u toku jedne kalendarske godine.

Stručna Služba Općinskog načelnika, vodit će evidenciju o visini isplaćenih naknada za članove radnih tijela/komisija.

Član 11.

Služba za budžet i finansije dužna je Općinskom Načelniku dostavljati tromjesečne izvještaje o visini isplaćenih naknada za članove radnih tijela/komisija na koje se ovaj Pravilnik odnosi.

Član 12.

Stupanjem na snagu ovog Pravilnika, stavlja se van snage Odluka o načinu obrazovanja i visini naknade za rad stručnih komisija i drugih radnih tijela osnovanih od strane Općinskog Načelnika broj: 02-02-1-990/07 od 13.06.2007.godine i Odluka o dopuni Odluke o načinu obrazovanja i visini naknade za rad stručnih komisija i drugih radnih tijela osnovanih od strane Općinskog Načelnika broj: 02-02-1-990/07-1 od 09.11.2010.godine.

Član 13.

Ovaj Pravilnik stupa na snagu danom donošenja, a objavit će se u "Službenom glasniku općine Lukavac".

Broj: 02-02-2-2605/18
Lukavac, 05.09.2018.godine

OPĆINSKI NAČELNIK
dr.sci. Edin Delić



Broj: 02-02-2-2614/18
Lukavac, 05.09.2018.godine

Na osnovu člana 62. Zakona o organizaciji organa uprave u Federaciji Bosne i Hercegovine („Službene novine FBiH”, broj 35/05), člana 15. Zakona o principima lokalne samouprave u Federaciji Bosne i Hercegovine („Službene novine FBiH”, broj 49/06) i člana 82. Zakona o zaštiti tajnih podataka („Službeni glasnik Bosne i Hercegovine” broj: 54/05 i 12/09), Općinski načelnik d o n o s i :

P R A V I L N I K **o zaštiti tajnih podataka općine Lukavac**

Član 1.

Ovim Pravilnikom bliže se utvrđuju zajedničke osnove jedinstvenog sistema određivanja, pristupa, korištenja, čuvanja i zaštite od neovlaštenog otkrivanja i zloupotrebe tajnih podataka koji nastanu u radu općine Lukavac (u nastavku teksta: općina).

Podatak u smislu ovog Pravilnika je svaki dokument ili isprava napisan, odštampan, nacrtan, umnožen, fotografisan, snimljen na nosaču informacija, odnosno podlozi, vidljiv ili nekakav drugi zapis tajnog podatka koji je podoban da služi kao dokaz kakve činjenice koja je od značaja za rad općine.

Određivanje tajnosti podataka

Član 2.

Tajni podatak je činjenica ili sredstvo koji je potrebno zaštititi od neovlaštenih lica i koji je ovlašteno lice označilo oznakom tajnosti, a čije bi otkrivanje neovlaštenom licu, sredstvima javnog informisanja ili bilo kome drugom, moglo prouzrokovati neko ugrožavanje, otežati rad ili izazvati štetu općini.

Određivanje tajnosti podataka je postupak kojim se neki podatak određuje kao tajni, s određenim stepenom i rokom tajnosti. Općinski Načelnik će stepen tajnosti podataka određivati u momentu nastanka podatka za kojeg ocjeni da je neophodno isti zaštititi određenim stepenom i rokom tajnosti. Dužnost Općinskog Načelnika je da kod određivanja stepena tajnosti podatka donese ocjenu o mogućoj štetnosti za općinu, ako bi taj podatak bio dostupan neovlaštenoj osobi. Ocjena koja je osnov za određivanje stepena tajnosti mora biti u pisanoj formi.

Stepen tajnosti podataka

Član 3.

Tajni podaci prema ovom Pravilniku imaju jedan od slijedećih stepena tajnosti:

- a) **TAJNO** se određuje za podatke čije bi neovlašteno otkrivanje nanijelo izuzetno štetne posljedice za rad općine,



- b) POVJERLJIVO se određuje za podatke čije bi neovlašteno otkrivanje nanijelo štetu u radu općine,
- c) INTERNO se određuje za podatke čije bi neovlašteno otkrivanje moglo štetiti radu općine.

Član 4.

Na podatke koji su u skladu sa ovim Pravilnikom određeni tajnim, odnosno svaki dokument koji sadrži tajne podatke mora biti označen stepenom tajnosti, načinom prestanka tajnosti i podacima o organu i ovlaštenoj osobi koja je odredila tajnost.

Prestanak tajnosti podataka

Član 5.

Tajnost podatka odnosno dokumenta prestaje određenog datuma, završetkom određenog događaja, istekom određenog vremena i ukidanjem tajnosti od strane ovlaštene osobe.

Ako zbog karaktera sadržaja tajnog podatka nije moguće odrediti način prestanka tajnosti podatka, njegova tajnost prestaje istekom vremena određenog Zakonom o arhivskoj građi Federacije Bosne i Hercegovine ("Službene novine Federacije Bosne i Hercegovine" broj 45/02).

Čuvanje tajnosti podataka

Član 6.

Svi zaposlenici Općine Lukavac, koji imaju zakonsko ovlaštenje za pristup podacima sa određenim stepenom tajnosti, imaju obavezu da kao tajne čuvaju podatke sve do skidanja s njih oznake tajnosti, bez obzira na to kako su do njih došli, a to važi i nakon isteka njihovog mandata ili prestanka rada u općini.

Svi zaposlenici općine, koji nemaju zakonsko ovlaštenje za pristup podacima sa određenim stepenom tajnosti, a koji dođu u posjed ili steknu uvid u tajnost podataka na način koji nije u suprotnosti sa zakonom, preuzimaju obavezu čuvanja tajnosti podataka iz stava 1. ovog člana.

Odstupanja od određivanja tajnosti podataka

Član 7.

Ne može imati karakter tajnosti onaj podatak kojem se tajnost određuje s namjerom prikrivanja izvršenog krivičnog djela, prekoračenja ili zloupotrebe ovlaštenja, s ciljem prikrivanja bilo koje nezakonitosti ili prikrivanja administrativne greške.

Mjesto korištenja podataka sa određenim stepenom tajnosti

Član 8.

Korištenje dokumenata i podataka sa određenim stepenom tajnosti dozvoljeno je samo u prostorijama općine Lukavac.

Čuvanje isprava i podataka sa određenim stepenom tajnosti

Član 9.

Svi zaposlenici općine Lukavac koji rukuju ispravama i podacima sa određenim stepenom tajnosti, dužni su ih čuvati na bezbjednom mjestu (čelični ormar, kasa ili sto sa sigurnosnom bravom ili slično), tako da pristup tim podacima imaju samo oni kojima su ti podaci potrebni pri vršenju njihovih dužnosti i obavljanju radnih zadataka.

Materijal, isprave i podaci sa određenim stepenom tajnosti, evidentiraju se u posebne upisnike i čuvaju se odvojeno od drugih materijala, na način kojim se obezbjeđuje čuvanje povjerljivosti, i to po pravilu u kasi općine.

Materijal, isprave i podaci koji imaju određeni stepen tajnosti stavljaju se u poseban omot na kome su evidentirana lica koja su upoznata sa njegovom sadržinom i stavlja se zabilješka o licima koja su pregledala te materijale. Van prostorija općine podaci sa određenim stepenom tajnosti mogu se slati samo uz poštovanje zaštitnih mjera i postupaka, koji garantuju da će do podataka doći samo lica kojima su podaci upućeni.

Čuvanje baze podataka koja ima određeni stepen tajnosti podataka

Član 10.

Elektronske baze podataka koje sadrže podatke i dokumente sa određenim stepenom tajnosti, moraju biti osigurane šifrom od neovlaštenog pristupa.

Evidencija o dostavljanim podacima sa određenim stepenom tajnosti

Član 11.

O davanju izjava, odnosno isprava i podataka sa određenim stepenom tajnosti trećim licima, vodi se posebna evidencija. Ova evidencija sadrži:

- a) ime lica ili organa kome su saopćeni ili dati dokumenti, odnosno podaci,
- b) vrijeme davanja, vrsta i obim datih podataka,
- c) svrhu za koju su podaci dati,
- d) stepen tajnosti.

Povreda čuvanja tajnosti podataka

Član 12.

Povredom čuvanja tajnosti podataka smatra se saopćavanje, predaja ili omogućavanje dobijanja dokumenata ili podataka sa određenim stepenom tajnosti, ako je to lice znalo za tajnost takvih podataka ili je s obzirom na posao ili vrstu radnog mjesta moglo znati da se radi o podacima kojima je utvrđen određeni stepen tajnosti. Svi zaposleni u općini koji saznaju za isprave i podatke za koje je utvrđen određeni stepen tajnosti, smatraju se neovlaštenim licima u pogledu saopćavanja, predaje ili na bilo koji drugi način upoznavanja drugog sa tim ispravama i podacima.

Ostali slučajevi određivanja tajnosti podataka

Član 13.

U slučaju kada dva ili više podataka koji sami po sebi nemaju karakter tajnosti, ali međusobnim povezivanjem predstavljaju podatak ili dokument kojeg treba zaštititi, dužnost je Općinskog Načelnika da odredi tajnost tog podatka, odnosno dokumenta.

Posljedice odavanja tajnosti podataka

Član 14.

Odavanje tajnosti podataka, dokumenata i isprava kojima je utvrđen određen stepen tajnosti predstavlja težu povredu službene dužnosti, a pod okolnostima propisanim Krivičnim zakonom Federacije Bosne i Hercegovine, predstavlja krivično djelo.

Primjena drugih propisa

Član 15.

Zakonski propisi i podzakonski akti nadležnih državnih organa, koji uređuju oblast zaštite tajnih podataka, primjenjivat će se na pitanja koja nisu regulisana ovim Pravilnikom.

Član 16.

Ovaj Pravilnik stupa na snagu danom donošenja, a objavit će se u „Službenom glasniku općine Lukavac“.

OPĆINSKI NAČELNIK
dr.sci. Edin Delić

OBRAĐIVAČ:
Stručna Služba Općinskog načelnika



Broj: 02-02-1-2270/18
Lukavac, 04.08.2018. godine

Na osnovu člana 29. stav 1. tačke 7) Zakona o zaštiti i spašavanju ljudi i materijalnih dobara od prirodnih i drugih nesreća ("Sl. novine FBiH", broj: 39/03, 22/06 i 43/10), člana 41. Statuta općine Lukavac-prečišćeni tekst („Službeni glasnik općine Lukavac“, broj: 5/08 i 1/14) i prijedloga Općinskog štaba civilne zaštite općine Lukavac usvojenog na sjednici održanoj dana 04.08.2018. godine, Općinski načelnik, donosi

O D L U K U

o proglašenju stanja tehničko-tehnološke nesreće
na području općine lukavac uzrokovane akcidentom u global ispat koksnoj industriji d.o.o. lukavac

Član 1.

Ovom Odlukom proglašava se stanje tehničko-tehnološke nesreće na području općine Lukavac uzrokovane akcidentom u Global Ispat Koksnoj Industriji d.o.o. Lukavac, koje je nastalo zbog eksplozije rezervoara hemijskih materija, usljed čega je došlo do isticanja istih u rijeku Spreču i zagađenja zraka.

Član 2.

Stanje tehničko - tehnološke nesreće iz člana 1. ove Odluke nastupilo je dana 04.08.2018. godine u 13,00 časova.

Član 3.

Na sprječavanju i otklanjanju posljedica tehničko - tehnološke nesreće angažovat će se: „Global Ispat Koksna Industrija“ d.o.o. Lukavac, vijeće mjesne zajednice, građani, štabovi, jedinice i povjerenici civilne zaštite, službe općinskih organa uprave, službe pravnih lica čija je redovna djelatnost od neposrednog značaja za zaštitu i spašavanje, Crveni križ općine Lukavac i Policijska uprava Lukavac.

Član 4.

Materijalno tehnička sredstva i opremu potrebnu za spašavanje ljudi, životinja i materijalnih dobara Općinski štab civilne zaštite angažovat će iz popisa vlastitih sredstava, a po potrebi, putem mobilizacije, angažovat će se materijalno tehnička sredstva i oprema od pravnih lica sa područja općine Lukavac i građana općine Lukavac.

Član 5.

Akcijom zaštite i spašavanja ljudi i materijalnih dobara od tehničko -tehnološke nesreće iz člana 1. ove Odluke rukovodit će Općinski štab civilne zaštite, i o preduzetim mjerama redovno će izvještavati nadležne organe Općine, Kantona i Federacije BiH.

Član 6.

Ova Odluka stupa na snagu kako je navedeno u članu 2. i trajat će dok se ne utvrdi prestanak tehničko-tehnološke nesreće na području općine Lukavac uzrokovane akcidentom u Global Ispat Koksnoj Industriji d.o.o. Lukavac, a objavit će se u "Službenom glasniku općine Lukavac".

OPĆINSKI NAČELNIK
Dr. sci. Delić Edin s.r.



Broj:02-02-1-2142 /18
lukavac, 24.07.2018.

Na osnovu člana 108. stav 3., a u vezi sa članom 99. stav 1. Statuta općine Lukavac ("Sl. glasnik općine Lukavac", broj: 5/08 i 1/14), Budžeta općine Lukavac za 2018. godinu („Sl. glasnik općine Lukavac“, broj 4/18), Odluke o izvršenju budžeta općine Lukavac za period od 01.01.2018 - 31.12.2018. sa Okvirnim planom za 2019. i 2020. godinu, („Službeni glasnik općine Lukavac“ broj 4/18), općinski Načelnik d o n o s i

O D L U K U

Član 1.

Iz sredstava budžeta općine Lukavac razdio 14, kod potrošačke jedinice 141, funkcionalni kod 0111, ekonomski kod 617111 - "Tekuća rezerva", odobravaju se sredstva u iznosu od 500,00 KM (petstotina konvertibilnih maraka)

Član 2.

Sredstva iz člana 1. ove Odluke dodjeljuju se Jusufović Erminu iz Lukavca, članu reprezentacije Bosne i Hercegovine u sjedećoj odbojci, na ime nagrade za osvojeno drugo mjesto odnosno osvojenu srebrnu medalju, na Svjetskom prvenstvu u sjedećoj odbojci, koje se održava u Holandiji.

Član 3.

Odobrena sredstva će se isplatiti u skladu sa mogućnostima i planom ostvarenja budžeta za 2018. godinu na transakcijski račun Unicredit banke broj 3386102502885529, tekući račun broj 40528457000.

Član 4.

Za realizaciju ove Odluke zadužuje se Služba za budžet i finansije i ujedno se obavezuje da obustavi od izvršenja Odluku, ukoliko ista ne sadrži sve bitne elemente neophodne za njenu realizaciju,

Po ovlaštenju općinskog Načelnika
broj 02-05-1416/18

Enes Numanović, dipl.pravnik s.r.



Broj:02-02-1-2060/18
Lukavac, 18.07.2018.

Na osnovu člana 108. stav 3., a u vezi sa članom 99. stav 1. Statuta općine Lukavac ("Sl. glasnik općine Lukavac", broj: 5/08 i 1/14), Budžeta općine Lukavac za 2018. godinu („Sl. glasnik općine Lukavac“, broj 4/18), Odluke o izvršenju budžeta općine Lukavac za period od 01.01.2018 - 31.12.2018. sa Okvirnim planom za 2019. i 2020. godinu, („Službeni glasnik općine Lukavac“ broj 4/18), dopisa Saveza općina i gradova broj 218/18 od 11.07.2018., općinski Načelnik d o n o s i

O D L U K U

Član 1.

Iz sredstava budžeta općine Lukavac razdio 14, kod potrošačke jedinice 141, funkcionalni kod 0111, ekonomski kod 617111 - "Tekuća rezerva", odobravaju se sredstva u iznosu od 125,00 KM (stotinudvadesetpetkonvertibilnihmaraka).

Član 2.

Sredstva iz člana 1. ove Odluke dodjeljuju se Savezu općina i gradova FBiH, na ime učešća općine Lukavac u sufinansiranju troškova sudskog postupka tužitelja Saveza općina i gradova FBiH, zastupnika jedinica lokalne samouprave, protiv tužene Federacije BiH u postupku pred nadležnim općinskim Sudom u Sarajevu. Sredstva se imaju uplatiti na osnovu Odluke Predsjedništva Saveza općina i gradova o pokretanju tužbe protiv FBiH i dopisa Saveza navedenog u preambuli ove Odluke.

Član 3.

Odobrena sredstva će se isplatiti u skladu sa mogućnostima i planom ostvarenja budžeta za 2018. godinu na račun Saveza općina i gradova FBiH broj 102050000019204 otvoren kod Union banke.

Član 4.

Za realizaciju ove Odluke zadužuje se Služba za budžet i finansije i ujedno se obavezuje da obustavi od izvršenja Odluku, ukoliko ista ne sadrži sve bitne elemente neophodne za njenu realizaciju.

OPĆINSKI NAČELNIK

Dr.sci. Edin Delić s.r.



Broj:02-02-1-2143 /18
lukavac, 24.07.2018.

Na osnovu člana 108. stav 3., a u vezi sa članom 99. stav 1. Statuta općine Lukavac ("Sl. glasnik općine Lukavac", broj: 5/08 i 1/14), Budžeta općine Lukavac za 2018. godinu („Sl. glasnik općine Lukavac“, broj 4/18), Odluke o izvršenju budžeta općine Lukavac za period od 01.01.2018 - 31.12.2018. sa Okvirnim planom za 2019. i 2020. godinu, („Službeni glasnik općine Lukavac“ broj 4/18), općinski Načelnik d o n o s i

O D L U K U

Član 1.

Iz sredstava budžeta općine Lukavac razdio 14, kod potrošačke jedinice 141, funkcionalni kod 0111, ekonomski kod 617111 - "Tekuća rezerva", odobravaju se sredstva u iznosu od 500,00 KM (petstotinakonvertibilnihmaraka)

Član 2.

Sredstva iz člana 1. ove Odluke dodjeljuju se Alibašić Safetu iz Jarušaka, trenutno nastanjenom u Sarajevu, članu reprezentacije Bosne i Hercegovine u sjedećoj odbojci, na ime nagrade za osvojeno drugo mjesto odnosno osvojenu srebrnu medalju, na Svjetskom prvenstvu u sjedećoj odbojci, koje se održava u Holandiji.

Član 3.

Odobrena sredstva će se isplatiti u skladu sa mogućnostima i planom ostvarenja budžeta za 2018. godinu na transakcijski račun Raifaisein banke 1610000000000011, tekući račun Alibašić Safeta broj 092511255-9.

Član 4.

Za realizaciju ove Odluke zadužuje se Služba za budžet i finansije i ujedno se obavezuje da obustavi od izvršenja Odluku, ukoliko ista ne sadrži sve bitne elemente neophodne za njenu realizaciju,

Po ovlaštenju općinskog Načelnika
broj 02-05-1416/18 od 22.05.2018

Enes Numanović, dipl.pravnik s.r.



Broj:02-05-1995/18
Lukavac,12.07.2018.godin

Na osnovu člana 41. i 108. Statuta općine Lukavac („Sl. glasnik općine Lukavac», broj 5/08 i 1/14), na prijedlog Službe za opću upravu, privredu i društvene djelatnosti, broj: 03-40-53-123 / 2018 od 05.07.2018.godine, Općinski Načelnik donosi

R J E Š E N J E
o imenovanju Komisije za pregled i ocjenu vanrednih projekata

Član 1.

Imenuje se Komisija za pregled i ocjenu vanrednih projekata civilnog društva, na osnovu raspisanih javnih poziva , u sastavu:

1. Biščić Dževad, član
2. Suljić Esad, zamjenik člana
3. Kavazović Aida, član
4. Enida Fatušić, zamjenik člana
5. Osmanović Esed, član
6. Tahirović Sena, zamjenik člana
7. Dautović Adi, član
8. Halimović Sejfo, zamjenik člana
9. Žigić Zlatan, član
10. Bećirović Nihada, zamjenik člana
11. Fatušić Amra, predstavnica OCD-a
12. Nuhić Alen, zamjenik

Član 2.

Zadatak Komisije je da pregleda dokumentaciju i izvrši bodovanje pristiglih projekata organizacija civilnog društva po LOD metodologiji. Komisija vrši odabir projekata koji će se finansirati ili sufinansirati iz Budžeta općine Lukavac i daje mišljenje Službi za opću upravu, privredu i društvene djelatnosti u pisanoj formi o uspješnosti aplikacija po raspisanim javnim pozivima.

Član 3.

Ovim Rješenjem stavlja se van snage Rješenje o imenovanju Komisije za pregled i ocjenu vanrednih projekata broj: 02-05-1189/18 od 04.05.2018.godine.

Član 4.

Rješenje stupa na snagu danom donošenja i objavit će se u „Službenom glasniku općine Lukavac“.

OPĆINSKI NAČELNIK
Dr. Sci. Delić Edin s.r.

**SLUŽBENI GLASNIK OPĆINE
L U K A V A C**

Broj:8/18

Izdaje :Općina Lukavac

Uređuje.....Stručna Služba Općinskog vijeća

Adresa.....Općina Lukavac - Općinsko vijeće

Telefon035/553-253

Fax.....035-366-731

Službeni glasnik izdaje se po potrebi